

Rekstrarhagnaður Nýherja hf. fyrir afskriftir nam 300 mkr á fyrri árshelmingi 2011

Helstu niðurstöður:

- EBITDA var 300 mkr á fyrri árshelmingi, en var 158 mkr á sama tímabili árið á undan.
- Heildarhagnaður var 78 mkr fyrstu 6 mánuði ársins.
- Skipulagsbreytingar á Íslandi í ársfjórðungnum fólu í sér fækkun rekstrarfélaga úr átta í þrjú.
- Applicon í Svíþjóð undirritaði samning um sölu og uppsetningu á bankahugbúnaði fyrir meðalstóran sænskan banka.

Þórður Sverrisson, forstjóri:

„Afkoma félagsins batnar frá fyrra ári og hafa tekjur vaxið um 631 mkr eða 9% frá fyrra ári. Rekstrarhagnaður fyrir afskriftir og fjármagnskostað nær tvöfaldast milli ára og er EBITDA-prósenta nú nær 4% og skila allar rekstrareiningar jákvæðri EBITDA afkomu fyrstu 6 mánuði ársins. Skipulagsbreytingar og sameiningar fyrirtækja á Íslandi skapa tækifæri til frekari afkomubata á næstunni og veita meira afl til að þjónusta viðskiptavinum hérlandis og erlendis. Verkefnastaða fyrir síðari árshelming er ágæt m.a vegna stórra verkefna sem unnið er að á Norðurlöndum.“

Rekstrarniðurstaða á fyrri árshelmingi 2011

Fyrstu 6 mánuðir 2011 – Lykiltölur Fjárhæðir í þús. króna		
	6 mánuðir 2011	6 mánuðir 2010
Seldar vörur og þjónusta	7.669.774	7.038.486
Vörunotkun og kostnaður við selda þjónustu	3.590.199	(3.076.844)
Vergur hagnaður	4.079.575	3.961.642
Laun og launatengd gjöld	(2.962.756)	(2.974.987)
Rekstrarkostnaður	(960.011)	(979.069)
Rekstrarhagnaður (EBIT)	165.954	15.616
Áhrif gjaldþrots dótturfélags	0	246.187
Hrein fjármagnsgjöld	(116.644)	(77.492)
Hagnaður fyrir tekjuskatt	49.310	184.311
Tekjuskattur	(10.877)	(1.469)
Hagnaður tímabilsins	38.433	182.842
Rekstrarliðir færðir beint á eigið fé	39.559	(82.506)
Heildarhagnaður tímabilsins	77.992	100.336
EBITDA	299.696	157.827
EBITDA hlutfall	3,90%	2,2%
Meðalfjöldi stöðugilda	529	571

Sala á vöru og þjónustu nam 7.670 mkr fyrstu 6 mánuði ársins, samanborið við 7.038 mkr á sama tímabili árið 2010. Tekjur hafa því aukist um 9% milli ára. Laun og launatengd gjöld námu 2.963 mkr, en voru 2.975 mkr fyrir sama tímabil 2010. Meðalfjöldi stöðugilda fyrstu 6 mánuði ársins 2011 var 529, en var 571 yfir sama tímabil árið áður.

Rekstrarkostnaður var 960 mkr, en var 979 mkr á sama tíma á árinu 2010. Rekstrarhagnaður fyrir afskriftir, fjármagnsliði og skatta - EBITDA - var 300 mkr á tímabilinu, en var 158 mkr á sama tímabili fyrir árið 2010.

Heildarhagnaður fyrstu 6 mánuði ársins nam 78 mkr. Heildarhagnaður í fyrra nam 100 mkr fyrstu 6 mánuði ársins, en þá voru í öðrum ársfjórðungi tekjufærðar undir sérstökum lið 246 mkr vegna áhrifa af gjaldþroti dótturfélags Nýherja.

Efnahagsreikningur 30.06. 2011 – Lykiltölur Fjárhæðir í þús. króna		
	30.06. 2011	31.12. 2010
Fastafjármunir	4.404.551	4.292.246
Veltufjármunir	3.821.178	3.688.274
Eignir samtals	8.225.729	7.980.520
Eigið fé	2.383.938	2.419.911
Langtímaskuldir	2.318.336	2.373.525
Skammtímaskuldir	3.523.455	3.187.084
Eigið fé og skuldir samtals	8.225.729	7.980.520

Heildareignir í lok tímabilsins voru 8.226 mkr samanborið við 7.981 mkr í lok ársins 2010. Langtímaskuldir hafa lækkað frá ársbyrjun úr 2.374 mkr í 2.318 mkr. Skammtímaskuldir hafa hækkað frá ársbyrjun úr 3.187 mkr í 3.523 mkr. Vaxtaberandi skuldir námu 2.972 mkr, en voru 2.996 mkr í ársbyrjun 2011. Eigið fé í lok júní 2011 var 2.384 mkr og er eiginfjárhlutfall nú 29,0% en var 30,3% um síðustu áramót. Lækkun eiginfjárhlutfalls má rekja til kaupa móðurfélagsins á eignarhlut minnihlutaeigenda í dótturfélögum og á Nýherji nú allt hlutafé í Applicon í Svíþjóð.

Rekstrarniðurstaða á öðrum ársfjórðungi 2011

Ársfjórðungsyfirlit – Lykiltölur Fjárhæðir í þús. króna					
	F2 2011	F1 2011	F4 2010	F3 2010	F2 2010
Seldar vörur og þjónusta	3.977.088	3.692.686	3.988.414	3.234.284	3.529.521
Vörunotkun og kostnaður við selda þjónustu	(1.938.762)	(1.651.437)	(1.956.206)	(1.521.173)	(1.575.069)
Vergur hagnaður	2.038.326	2.041.249	2.032.208	1.713.111	1.954.452
Laun og launatengd gjöld	(1.489.597)	(1.473.159)	(1.427.003)	(1.187.414)	(1.462.348)
Rekstrarkostnaður	(482.460)	(477.551)	(491.382)	(434.058)	(449.871)
Rekstrarhagnaður (EBIT)	68.993	96.961	117.429	95.826	46.728
Söluhagnaður rekstrarfjármuna	0	0	77.628	0	0
Áhrif gjaldþrota dótturfélags	0	0	0	0	246.187
Hrein fjármagnsgjöld	(68.545)	(48.099)	38.651	(73.240)	318
Hagnaður fyrir tekjuskatt	448	48.862	233.708	22.586	293.233
Tekjuskattur	1.069	(11.946)	(47.973)	4.183	(8.288)
Hagnaður tímabilsins	1.517	36.916	185.735	26.769	284.945
Rekstrarliðir færðir beint á eigið fé	12.828	26.731	3.742	4.836	(54.173)
Heildarhagnaður tímabilsins	14.345	63.647	189.477	31.605	230.772
EBITDA	140.109	159.587	190.609	169.125	122.875
EBITDA hlutfall	3,52%	4,32%	4,8%	5,2%	3,48%
Meðalfjöldi stöðugilda	528	531	539	552	564

Sala á vöru og þjónustu nam 3.977 mkr á öðrum ársfjórðungi, samanborið við 3.530 mkr árið 2010. Laun og launatengd gjöld námu 1.489 mkr en voru 1.462 mkr fyrir sama tímabil 2010. Meðalfjöldi stöðugilda í öðrum ársfjórðungi var 528, en var 564 á sama tíma í fyrra.

Rekstrarkostnaður var 482 mkr í öðrum ársfjórðungi, en var 450 mkr á sama tímabili á árinu 2010. Rekstrarhagnaður fyrir afskriftir, fjármagnsliði og skatta - EBITDA - var 140 mkr á tímabilinu, en EBITDA var 123 mkr á sama tímabili fyrir árið 2010.

Hrein fjármagnsgjöld voru 69 mkr í öðrum ársfjórðungi í samanburði við fjármunatekjur að fjárhæð 0,3 mkr í öðrum ársfjórðungi 2010. Heildarhagnaður í fjórðungnum nam 14 mkr, en heildarhagnaður í öðrum ársfjórðungi í fyrra nam 231 mkr.

Yfirlit yfir rekstur á fyrri árshelmingi

Skipulagi Nýherjasamstæðunnar innanlands var breytt í öðrum ársfjórðungi og við það fækkaði rekstrarfélögum úr átta í þrjú, með sameiningu félaga. Þrjú dótturfélög Nýherja hf. voru sameinuð móðurfélaginu, þ.e. rekstrar- og hýsingarfélagið Skyggir ehf., Sense ehf., sérhæft í hljóð- og myndlausnum og Viðja viðskiptaumsjón ehf. Þá var hugbúnaðarfyrirtækið Vigor ehf. sameinað Applicon ehf. Einnig hefur EMR hugbúnaður ehf. verið sameinað TM Software ehf. Samruni félaganna gekk vel og er gert ráð fyrir að frekara hagræði og bætt þjónusta náist við þessar sameiningar.

Sala á vél- og hugbúnaðarlausnum hjá Nýherja hf. var yfir áætlun og meiri en á sama tímabil í fyrra. Talsverð aukning varð í sölu á IBM Power netþjónum og IBM diska- og geymslulausnum. Jafnframt var vaxandi eftirspurn eftir síma- og fjarfundalausnum, APC varafis- og tæknilausnum auk prentlausna.

Rekstrarafkoma tæknisviðs Nýherja, áður Skyggir, var lítillega undir áætlunum í öðrum ársfjórðungi. Samkeppnisumhverfi fyrir rekstrar- og hýsingarþjónustu er nú mjög krefjandi á innlendum markaði m.a. vegna mikillar verðsamkeppni við fyrirtæki, sem endurreist voru af viðskiptaböndkunum eða eru undir stjórn eignarhaldsfélaga, sem áður hafa farið í þrot og er nú stýrt af kröfuhöfum. Rekstur tæknisviðsins styrkist nú með sameiningu Skyggis við aðra starfsemi Nýherja, og mun það veita þjónustu tæknisviðs aukið afl á markaðnum.

Góð afkoma var í sölu á Sony og Canon neytendabúnaði þrátt fyrir skert vöruflæði, meðal annars vegna náttúruhamfara í Japan. Verkefnastaða í hljóð- og myndlausnum var í takt við áætlanir og fjölþætt verkefni unnin á tímabilinu, m.a. fyrir Ícelandair Hotel Natura og Hilton Nordica.

Rekstur Applicon ehf., sem sérhæfir sig í sölu og þjónustu viðskiptahugbúnaðar, gekk ágætlega og var í takt við væntingar. Verkefni voru af fjölbreyttum toga bæði innanlands og erlendis. Viðskiptavinir eru í auknum mæli að nýta sér hugbúnað og ráðgjöf til að ná fram hagræðingu með því að bæta viðskiptaferla. Verkefnastaða er viðunandi og horfur góðar fyrir seinni hluta árs, einkum vegna verkefna erlendis.

Rekstur Applicon A/S í Danmörku var nærri áætlunum í öðrum ársfjórðungi. Félagið vinnur að stórrí innleiðingu fyrir Region Hovedstaden í samvinnu við ATOS - áður Siemens IT, auk þess að veita SAP ráðgjafþjónustu til margra stærri fyrirtækja. Vegna efnahagssamdráttar í Danmörku eru fjárfestingar í viðskiptahugbúnaði og tengdri þjónustu enn takmarkaðar og samkeppni mikil. Verkefnastaða félagsins er þó góð.

Afkoma Applicon í Svíþjóð var yfir væntingum í öðrum ársfjórðungi. Applicon vann að forkönnun á nýrri bankalausn byggða á SAP fyrir kjarnastarfsemi meðalstórs banka í Svíþjóð og undirritaði í framhaldi samning við bankann um innleiðingu á grunnkerfum hans. Samningurinn markar tímamót því um er að ræða fyrstu innleiðingu á SAP bankalausn í Svíþjóð um nokkurra ára skeið. Lokið verður við innleiðingu á lausninni hjá bankanum um mitt ár 2012. Félagið hefur þróað hugbúnað fyrir regluvörslu sem kallast PeTra, en hugbúnaðurinn er einkum ætlaður fjármálafyrirtækjum. Gerður var samningur um uppsetningu á PeTra hjá Carnegie fjármálafyrirtækinu og auk þess var lokið við innleiðingu á sömu lausn hjá SEB bankanum og Nordea.

Rekstur og afkoma TM Software ehf. á öðrum ársfjórðungi var í samræmi við áætlanir og betri en á sama tíma á síðasta ári. Sala á eigin hugbúnaðarframleiðslu erlendis hefur vaxið, einkum í N-Ameríku og Evrópu og er áfram gert ráð fyrir vexti á þessu sviði á næstu mánuðum. Þróun og þjónusta á heilbrigðislausnum fyrirtækisins gekk vel í ársfjórðungnum og áfram er vænst viðunandi eftirspurnar eftir þekkingu og vörum fyrirtækisins á þessu sviði. Unnið var að nýjum sérhæfðum hugbúnaðarlausnum fyrir innlend sem erlend fyrirtæki í fjórðungnum og gert ráð fyrir vexti á því sviði á næstunni. Verkefnastaða félagsins er góð og vaxandi eftirspurn er eftir reynslumiklum hugbúnaðarsérfræðingum í vandasöm verkefni.

Upplýsingatæknifélagið Dansupport A/S í Danmörku skilaði jákvæðu EBITDA á fyrri hluta ársins, en var lítillega undir áætlun. Efnahagsbati í Danmörku gengur hægar en á öðrum Norðurlöndum. Mikil vinna hefur verið lögð í að afla nýrra viðskiptatækifæra til að styrkja rekstur félagsins og eru horfur fyrir síðari árshelming því allgóðar.

Horfur

Afkoma af rekstri Nýherjasamstæðunnar er stöðug og tekjur eru vaxandi. EBITDA hagnaður síðustu tólf mánuði er 660 mkr og áætlað er að afkoma á síðari árshelmingi verði ekki lakari en á síðasta ári.

Fjárhagsdagatal fyrir 2011:

Áætluð birting árshlutauppgjörs fyrir árið 2011

28. október Níu mánaða uppgjör

27. janúar 2012 Ársuppgjör

Samþykkt árshlutareiknings

Árshlutauppgjör fyrir annan ársfjórðung 2011 var samþykkt á stjórnarfundum Nýherja hf. 27. júlí 2011. Árshlutauppgjör Nýherja hf. er gert í samræmi við alþjóðlega reikningsskilastaðla (IFRS-International Financial Reporting Standards). Þýðingarmunur erlendra dótturfélaga er tilgreindur í yfirliti um heildarafkomu árshlutareiknings í samræmi við ákvæði alþjóðlega staðalsins. Árshlutauppgjörið hefur hvorki verið endurskoðað né kannað af endurskoðendum félagsins.

Nánari upplýsingar

Þórður Sverrisson, forstjóri Nýherja, í síma +354 893 3630.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Félög Nýherjasamstæðunnar í rekstri eru 14 bæði hér heima og erlendis. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Í stjórn Nýherja eru: Benedikt Jóhannesson, stjórnarformaður, Árni Vilhjálmsson, Guðmundur Jóh. Jónsson, Hildur Dungal og Jafet S. Ólafsson. Þórður Sverrisson er forstjóri Nýherja hf.